

泊鷗山房集

泊鷗山房集卷三十三

會稽 陶元藻 吳亭

詩十九

九日遇雨讌集復祖軒有賦

湖岸圍尖勝水梭殘牙耐與此消磨巾中髮感三秋短  
階下萸逢九葉多半屋典墳堆簡蠹滿城風雨撼庭柯  
籬東要寫黃花句閒把烏絲界衍波

天錦常思赤手梭年年人墨兩相磨壺觴計飲同歐少  
詞望量才讓陸多磊落羣英初脫穎崩簪一老未凋柯  
臥游不到山陰路自有千巖照酒波

疊韻箋飛疾似梭陳言天遣雨湔磨  
簷楹懸溜催詩急  
鮭菜分庖悅口多  
諸友因余老病不能赴譙別饒嘉肴  
不悵望星河簾捲戶  
愛搓橙橘手攀柯  
重陽變作重陰候  
昔人以重陽遇雨爲重陰  
羞煞  
高樓字月波

齋志甘沈網底校箴規還望切兼磨  
少陵儒腐乾坤獨  
絳縣年迷甲子多  
濩落無聲高北斗  
繁華有夢盡南柯  
登臨阻雨渾閒事  
願賜蒼生滿渚波  
時城鄉苦旱舟楫不通

閒行

扶杖閒行小虎邱  
夕陽橋上一勾留  
每看屋後西流水  
白髮安知不黑頭

夏日偶成

芭蕉葉暗影幢幢風細簾鉤燕語雙  
水榭不容微暑到藕花香過讀書窗

夜坐聞雁

院宇沈沈漏始催未眠人對淺斟杯  
雁聲怕墮紅塵影多倚殘鐙細雨來

訪莫二玉水閣

彝鼎縱橫小閣閒一泓如鏡照心顏  
鉤簾白起沙邊鷺捫虱青逢郭外山  
畫舫虛齋新酒社濠梁秋水舊漁灣  
主人不厭清談客坐到黃昏月上還

生輓詩

遠客終返駕浮雲豈長存智愚同一盡修短復何論  
翩雙素旄導我出郭門蚩氓繞舟次觀者如雲屯家人  
苦長別走哭蒼山根一寐竟不寤萬古皆黃昏不知鑒  
且毀遑問怨與恩轉悔篋中紙畱彼鴻泥痕明年寒食  
節石上羅芳樽重泉呼不起有酒安能吞巖澗清可濯  
野花香可捫憩彼閒散境樂我逍遙魂

哭珍兒

時維辛丑秋送汝吳山驛誰知此日離便是幽明隔一  
官易一棺厚祿且悱惻矧乃官無囊含殮俱跼蹐病妻

痛先亡嬌兒殞殊亟二女一姬寒慘慟情何極曹瞞有  
髮子鄧攸無賤息天道洵茫茫果報竟差忒哀哉我心  
悲老泪枯復滴同祖五弟昆頭角推汝特才力可兼人  
鉅細工擘畫劬躬豈畏難赴事不待迫幼讀知自勤汲  
綆竊餘瀝搖筆爲文章克掃庸軟跡作賦虛聲歸人口  
頗膾炙彼蒼恕科名好古忌偏刻遂使平生懷觸處皆  
否塞蓬閭神仙居可望不可卽春官屢放回垂死憾未  
釋厥用違其材有位不稱德百里試操刀大造猶吝惜  
四委如磨驢一授等雞肋當年泊鷗莊相隨不離尺紅  
蕖曲院舟香雪孤山屐我吟汝必吟倡和無虛夕祇愧

蜀中蘇詩傳過與軾如何熱中懷丹井澆不熄天倫樂  
事窮車馬風塵偪我嘗爲家貧十載九行役中途棄名  
場沈淪到頭白汝又爲貧仕遠走急不擇牛溲無寸波  
尺鯉豈能適跬步輒乖違纖芥逢扞格骨月舛途同終  
年幾愉懌汝苦惟我知我困汝獨識從今百感生莫告  
徒默默去歲雁南來夏札冬始得想汝作書時憔悴已  
非昔恐驚暮齒人措語多支飾緘來數餅金疽血汚緘  
赤廢汝參苓資助我甘脆食心傷書與金路半魂先匿  
道里六千遙欲往無羽翼生歸望已空死歸難再測誰  
憐漂泊魂相助一舟麥梅湖水鱗鱗謝墅山歷歷燥濕

俱未分何處藏汝魄我將馬鬣封願汝兄弟職那堪頽  
朽翁反治埋兒宅黃泉知不遙見汝近在側對訴萬千  
言松根兩啾唧悲深悔更深一紙西秦檄

偶行北郊經聽松樓舊址登眺北山

支筇出北郊秋淨巖骨聳廻流繞寒城倒岸葭莢冗蕭  
蕭林塘風捲葉隨客踵荒迷古山樓結構非舊拱簷瓦  
易黃茅四壁糞草壅崖崩犁作田逕仄人步恐野老劬  
枯根饑犬窺破冢世事多變遷義輪去偏勇安能駐勞  
形余髮不種種

臘月十八日同弟蒼洲姪瑟如聞遠琬兒軒孫移



舟傳家池踰嶺游城山寺遇雨而歸得二十四

韻

夙厚烟霞盟幽討忘歲晏蕩漾城西舟攜榼登彼岸岩  
堯結淨因數里磴纔半側嶺截虹霓鳥道疑忽斷盤空  
人語高杖策入遙漢山門嵌峯坳松竹影歷亂青熒無  
盡鐙四照龍象燦虛廊絕聲聞凍雀時一喚東瞻臥龍  
山越殿失攷按千年荊棘空久息銅駝嘆矧茲保棲城  
眞贗更難判寒泉薦霸君徒令猿鶴粲同游無襍賓王  
謝吾豈憚冰蔬園飯盂臘蟻醖鼻觀願隨堂餐僧偶共  
香積爨長風起林梢吹雨到欄畔容容兜羅綿疊巘白

縈絆須臾陰晦生頓覺山色換如絲往不休少長各奔  
貨墊巾將折角洒面似流汗悔無笠屐俱敢辭腰腳軟  
慈悲古鴈王惜別應悵惋芒履若曇花一現卽已散逐  
客笑天慳淋漓作詩翰

海寧吳槎客妻多病不能盡舉案之職請納姬代  
槎客不許俄而媒者以良家女至遂養爲義女  
命已女相伴數月擇壻嫁之好事者競賦詩嘉  
其行余亦製一律贈之

拜經樓下疊吟牋佳話流傳已一年磊落白頭存古道  
流離紅粉得奇緣挑鐙二女同居夜吹鳳三星在戶天

海國山房集 卷三  
買婢買姬俱幻影出門纔覺主人賢

兒子廷珣出宰清平作詩見恣懇余同行余因用  
其原韻賦詩四律卻而慰之

強仕年華登進寬割雞先試武城官一鞭展汝青雲志  
五斗加余白髮餐情性自耽魚鳥樂別離不爲道途難  
琴堂栗里同頤養霜得

君恩到處安

漫言政猛勝於寬撫字心疎卽曠官瘴雨天邊憐汝職  
菊英籬畔與誰餐王程有限辭家速晚景無多就養難  
倘得洛陽田二頃不教季子上長安

傳禮傳詩歲月寬爲貧繼絕折腰官杖藜怕作籠中鳥  
搗棹能忘壠上餐地醜弟兄先後蹇身全忠孝古今難  
秋來舟過滕王閣應羨長風送子安

聖朝覆載幅員寬簡重邊陲令尹官報國勉輸駑馬力  
忘家休顧老翁餐境通滇楚星池允民襍猺撞草偃難  
但得音書傳兩地年年人共竹平安

衡河草堂詠雪禁用鹽絮銀玉圭璧梅月尖叉同  
雲六出十四字同軒孫賦

不持寸鐵賦嚴冬炙硯猶嫌墨未濃入畫芭蕉原是幻  
印泥鴻爪已無蹤相忘世上崎嶇路羞殺人閒齷齪曾

誰伴梁園老枚叔平臺一樹後雕松

柴扉凍合悵無朋寂似雲門退院僧烹茗不耽山下澗  
映書詎借壁閒鐙堯天元鶴言如昔遼海孤臣嚙未曾  
多少窮簷思曝背幾時快覩日東升

如掌如鴉莫浪傳吹毛世界散花天三更凱奏平淮旅  
十里溪流訪戴船笑對青山同白髮喜從歉歲卜豐年  
灞橋老去吟難再輪與襄陽孟浩然

虛室無端白頓生寒威偏與熱腸爭碾成瑣屑兼沙澗  
糝到玲瓏着地輕短榻夢魂驚竹折空江簑笠看舟橫  
祇憐一紙黔陽信又阻歸鴻幾日程

詠懷古跡十四首

玉簡埋雲不易知  
五星聚寔亦神奇  
君王自定開基穴  
虞夏何曾有地師

歌舞蘇臺幾歲華  
亡吳霸越賴筭珈  
沈江酒盡紅顏淚  
悔卻溪頭出浣紗

勒石矜功世所嗤  
雄文古篆重今時  
天公滅卻豐碑跡  
不惜秦皇惜李斯

爰象精微索解難  
羣經聚訟亦多端  
獨憐馬鄭輪王肅  
未得東齋墨一丸

黃絹碑沈蛟室寒  
猶傳題背譽邯鄲  
江邊競渡喧如苦

只恐香魂不忍看

春衫葉葉曉風涼  
清朗何須過較量  
傳徧臨池數行墨  
勝他蕭統錄文章

談笑圍棋一局終  
蒼生望重冠羣雄  
羊曇有墅無人識  
但說東山屬謝公

寄語仙人莫浪誇  
誰非尸解始餐霞  
請觀皂莢飛昇者  
羞殺天台五百家

漫道桓伊技最工  
梅花吹落石城東  
須知三祖相傳物  
只在中郎一盼中

歸忘路近去忘遙  
獵獵寒風夜半撓  
千載重提乘興事

滿蓬殘雪幾時消

碧蠹紅蟬我性耽小樓卷軸手時探無端過眼雲烟疾  
慚愧書巢陸劒南

唐陵漢寢幾長留龍蛻拋殘孰與收只恨江山初去日  
便教金盃刼紅兜

熏衣捧硯上歌臺處處承恩寵賚回二十四堆春草碧  
臨安誰挂紙錢來

紅袖烏絲戀一生湖山風月鐵龍精竹枝唱徧吳儂女  
腸斷蘭英與蕙英

何竹園有趙伯駒漢宮八秘畫冊倣而爲之頗稱



工細乞余題辭爰成一絕

黃山無復繞宮牆畫裡猶瞻複道長  
霧閣雲窗三十六不知何處是昭陽

題畫

驅遣烟雲二十年墨痕多少好林泉  
紅塵堆裡無人識自熱爐香供巨然

最愛無聲妙品詩南宗北派任分馳  
祇緣吾越山川美萬壑千巖盡我師

數年不上釣魚槎畫裡驚聞水泊沙  
賺得老夫今夜夢又隨明月到蘆花

山房鱗次逕微分，撞玉風泉隔屋聞。  
憶得江南舊游處，九華嵐翠敬亭雲。

秀絕衡巫幻復真，嵐光滌眼墨痕新。  
青山我愛無錢買，忍畫青山賣與人。

由若耶溪十餘里抵秦望山過雲門寺

歷歷晴沙練影間，竹橋西去幾迴環。  
要分邨逕斜纏水，不許芒鞋直到山。  
片筏獨橫黃葉渡，羣鷗聚語夕陽灣。  
明年再與雲門約，記取桃花照酒顏。

九日同姪晴皋青淑孫景霞至湘湖山麓

良辰陟歷豈辭勞，無吏催租興轉豪。  
杖履樂偕童與冠

林泉羞載酒兼螯湖生秋水清於眼路轉陽坡煖勝袍  
髮短不教風落帽嬾登高處勝登高

蟹簍山卽事

腰腳欺人濟勝難聊支短拐到雲端一坳雲木工於畫  
兩道烟縷秀可餐築磴漫容樵牧走種松畱與子孫看  
山邱若較生存境博得三閒老屋寬

廷瓌赴黔臨行訂余就養感而賦此

捧檄今同古誰云不爲貧憐渠邀五斗痛我負雙親風  
木無窮恨桑榆已晚身便教登遠道守墓屬何人

偶檢舊笥得亡女韞素秋鏡夜讀圖小影并手錄

唐詩一卷泣然有感

蠅蝕桐棺窆未成丹青舊幅已塵生  
人閒嗜讀男兒少重憶微吟繡閣聲

垂垂白髮正愁余嬌女何能問起居  
二十五年魂夢隔篋中猶有手抄書

同琇姪軒孫游城山寺分韻得菰字

梵王宮是越王宮旒冕魂歸竹影中  
苦口獨餐山畔藪清齋分享佛前菰  
五湖縹緲浮家計一劒淒涼獻策功  
回首保棲宵柝靜幾堆殘壘叫秋蟲

平陽寺

天半青浮化鹿痕何年蘭若結雲根不談施捨僧俱雅  
便少朝參佛自尊禮斗無壇尋舊觀抄經有血照重昏  
藍輿最愛松陰路數里濤聲聽到門

游雲門寺

秦望烟嵐翠撲膺竹橋西畔遇寒僧五光雲拱諸天佛  
一瓣香傳六寺鐙今日山亭非子敬誰家繭紙是昭陵  
青鞋破盡頭如雪纔到名藍見上乘

重過雲栖

山門又見衲逢迎爲訪牟尼舊主盟疊巘有坳容屋聚  
鼓篋無罅放雲行後來居上心誰淨前輩諸生佛自成

猿鶴不嫌城市客年年相約聽松聲

八十初度錢塘舟中有懷廷珉

海門山隱現沙磧樹蕭森風厲江聲大雲渾雪意深八  
旬離別夢萬里愛憐心那得通潮路將魚寄遠音

九日登西山玉屏峰訪陸氏兩庶常祖墓

攜榼登臨異往年言尋抔土玉屏前半林黃葉深秋路  
幾點寒鴉落照天幸拭斷碑知馬鬣羞吟短髮到藍田  
吾家先壠松楸近彌羨機雲伯仲賢

題陳蘇山風樹圖

晨昏子職已成空繼繼承懽在畫中事死事生俱莫辨

但驚壁上起悲風

誰云無想亦無因現在身隨已往身千載瞻依同此慕  
泉魚應作再來人

題孫蔚如小照

昔日相逢孫伯符英英玉立未有鬚今訪吾廬形漸老  
半百光陰過何早潘楊密戚締有年我嘗觴咏游陽川  
憶與而翁翦鐙話幾番雪壓烏篷船而翁一去道山久  
對君念舊心茫然君走秦隴齊魯燕塵途那計萬與千  
偶思行樂泉石好鬚眉繪到松風邊丹青惟妙貌惟肖  
淺斟一盞神爲傳水驛山邨歷無數風光終愛山陰路

任昉孤兒我獨憐陸機老屋今誰住曰歸曰歸何日歸  
莫使霜華滿頭聚蠻烟瘴雨展斯圖應感臨岐老夫句

輓王香泉

兩世交游直到今老懷輾轉悵彌深吾廬豈少論文客  
有幾相知可論心

憶昔熊羆入夢年阿翁鬚鬢半皤然來時旣晚歸偏早  
轉使親心痛九泉

地下修文底事忙華陀無術起膏肓縱然乞得梁園竹  
何處招魂看杖鄉

縹緲不許積纖塵歷盡闌風伏雨辰未了一編金石錄



傷心畱與膝前人

風木悲纏幾十秋平沙玉尺細研求可憐踏徧各山路  
未卜牛眠土一抔

題丁昂若觀潮小影

八月十八秋蕭瑟江空十里船無一宰官迎神士女喧  
城鄉盡說潮生日潮生勢壯人生奇石麟天降寧馨兒  
行文每想韓吏部如潮筆墨何淋漓青衫譽重鄉祭酒  
聰明冰淨思匪夷盛年應多行樂事圖成一幅觀潮嬉  
驚疊初起微於線倏忽雷霆山岳顛江心捲起雪千堆  
屹屹銀城接芳甸錢鏐強弩射從東往矣枚乘豈能見

生松苗裔真英豪此圖寄托殊凡器寒濤聲到羅剎石  
頓懷母氏方劬勞嘉名是錫良有以要畱佳話傳兒曹  
西園觀牡丹  
桃杏紅銷柳絮殘洛陽花剩暮春看何曾富貴榮懷抱  
只恐無顏對牡丹

翠芳女姪孫以扇乞余詩句爰賦二律授之

境判西東見易疎宜家今已七年餘但教中饋承歡早  
何媿巾箱遣嫁無幼讀華陽仙室誥新窺漁仲錦函書  
樽前勉舉齊眉案敬戒無忘母命初

茶爐藥盃冷秋屏話舊心驚聚散形姊妹別余同作婦

歲時憐汝獨歸寧繞籬有菊閒中采挂壁無絃象外聽  
但願簾輿長過我白頭忝應老人星

題李姬小影十二首

紅藕花開九夏天吳門歸載木蘭船  
段家橋畔孤山北消受烟霞共六年

吹簫詎羨小紅偕烹茗熏香慰老懷  
驀地繡幃人不見桂花叢裡出裙釵

刀尺安排對短檠隔牆瑪瑙晚鐘鳴  
渾疑解纜姑蘇日同聽寒山夜半聲

粧抹拋殘一病中紅顏消瘦怯春風  
睂峯未改初來影

畢竟傳神藉畫工

糟糠無復返魂期廿載鰥魚繫夢思不是小星常在側  
白頭艱苦有誰知

修短姬年正渺茫吾衰甚矣動悲涼胸中幾點將乾墨  
畱與丹青亦斷腸

女伴相將問字頻唐詩雜誦幾經春寶蓮雲佩如懷舊  
此是挑鐙共讀人

危杓淩波影動搖籃輿欲墮旅魂銷何當相對平安竹  
重話驚鴻度浙潮

登臨樂共倦同憐城北前游已十年今日西風黃葉渡

夕陽誰泊採菱船

蓮池座下首曾稽讀我新詩壁上題  
未了一盂香積飯  
來生再伴到雲栖

月中形影鏡中顏都付華胥一夢閒  
莫悵主人輕撒手  
相逢卽在蟹簍山

爲憂遺累意拘牽悞汝無兒轉黯然  
天若肯憐乳獨苦  
此圖長護草堂懸

接琬兒黔中來信

半載音書到故鄉  
彌嗟天濶路茫茫  
民思高臥郊多壘

官典寒衣樹有霜

來札云軍需日迫糜費浩繁已將衣裘典盡

薄俸怎償諸

券債遠游空斷阿翁腸清平戎馬黃平米

兒宰清平時大兵取道歸

累若干今署篆黃平緣遞選楚米至軍營又需用萬金日不服給云

應憶閒居舊草堂

### 題俞挾庭臨池圖

天生妙腕烟霞侶白髮臨池亦豪舉聞說蘭亭在越中  
來尋癸丑揮毫處此間行樂少人知除卻丹青向誰語  
鯉庭迎養湘湖芻湖蓴甘美楊梅香嗜書偏類嗜茹癖  
行年七十如相忘微凹拾得劒南硯刻藤笥讓澄心堂  
蠅頭楷小擘窠大蛟騰龍躍鸞翅翔顏歐虞褚等一映  
那知流俗尊蘇黃子敬豪端好標格翻新不羨家公跡  
山陰修禊句不成千載猶爲昔人惜君今能詠復能書

書譜詩鈔任狼藉吟殘芍藥滿階紅題徧芭蕉一庭碧  
當年大阮真英才同余酬唱孤山梅天風忽掃曉雲淨  
兩峯翠落花前杯小阮尤稱竹林選涼秋金馬黃金臺  
人逢萍水猶記憶況交兩世相徘徊蓬門復枉賢士駕  
宛疑雪棹溪邊來畫工珍重傳神始將繪鬚眉先繪志  
晉帖唐碑夢寐縈臨摹未了平生事淋漓墨汁有無中  
鐵畫銀鉤滿胷次但問圖名便識君何須頰上三毫備

雨中遣興

三餘休暇值晴餘剝啄聲稀舊草廬游泳那知魚獨樂  
平安幸與竹同居無多來日偏逢病不少名山且著書

修禊未聞攜笠屐與誰觴咏暮春初

題松林蕭寺圖

長松影裏古蓮臺隔斷紅塵翠一堆惟有鐘聲遮不住  
又隨雲氣出山來

宗芥飄爲澳門司馬坐六蓬船赴潮有妓金寶求  
見自言恨墮煙花從良意切且云閱人多矣未  
有如官人賢者不嫌猥賤願托終身芥飄拒之  
及返棹仍申前請不得已招而納之賦絕句八  
章甚佳余聞其事戲贈四絕云

戲水紅鴛照鏡臺佳人那得不憐才  
薜蘿汀草三生路



錯認朝雲過嶺來

霜逢六扇趁風行  
睂語心挑幾日程  
銀燭夜燒官閣暖  
爲郎重唱楚江情

十三行寫洛神篇  
妬殺蛾眉不肯前  
怪得嶺南書更好  
薛濤箋勝剡藤箋

翠袖殷勤捧玉樽  
琵琶未撥已銷魂  
多情誰似宗司馬  
一領青衫半酒痕

泊鷗山房集卷三十三終

泊鷗山房集卷三十四

會稽 陶元藻 鳧亭

詩二十

憶耶溪舊游

相賞淪漣鷗鷺知斜陽紅過竹橋遲來尋柳暗花明處  
正值茶香笋茁時囊底無錢休學隱句中有我始成詩  
何年重訪雲門路收拾溪光上鬢絲

題山樓對飲圖

空谷朋來酒共傾樽前慷慨話平生不酬綰紵風塵物  
贈爾山光與澗聲

題蔡竹人赤壁圖小影

橫江白露水初秋  
頓使今人憶昔游  
同此斗牛同此月  
眼前風景卽黃州

赤壁煙嵐潑墨新  
移雲就壑恐非真  
畫師意在舟中客  
莫認東坡是主人

泛舟錢清過環翠寺

長堤草碧瀨拖藍  
臨水軒窗客兩三  
隔岸杏花春更好  
倪迂一幅雨江南

何代招提水岸留  
琉璃佛火照眠鷗  
茶溫便解行舟渴  
未必相逢卽黃州

與姬人李愛泉話舊

錢唐門外水邊樓  
消受湖光兩度秋  
最愛孤山濃似黛  
畫簾曉捲對梳頭

題何因之溪山行樂圖

鴨綠春波畫鷁舟  
茶檣酒幔亦風流  
人生行樂須年少  
莫使青山見白頭

筆硯拋荒句不工  
媿余才盡類文通  
祇緣五世交游重  
又見題痕在畫中

寓葛林園偶成絕句五首

爲有烟霞未了緣  
重攜襪被到湖邊  
白頭羞見林和靖

一樹梅花夢七年余向到西湖必句留半載或十閱月歲以爲常今不憩湖邊者已七更寒暑矣

茗椀香清几可凭放懷何用酒如澠與誰細話林泉樂  
三兩漁樵一個僧

芒屨散步北山根烟嶂模糊日已昏行到綠楊青斷處  
月華如水潑禪門

鴻明山門見辟支清華水木石參差來生願作伽藍去  
不在雲林卽淨慈

滿眼雲容水態新出城魚鳥便相親籃輿但識三天竺  
能愛湖山有幾人

壽梁山舟侍講七十

海屋秋高鷺嶺東  
長庚星漾酒鱗紅  
開先門第金張貴  
濟美文章燕許工  
百歲韶華逢杖國  
三朝泰運見生嵩  
由來林下耆英樂  
管領鬚眉洛社中

藜火窺人鬢未斑  
辭榮預養陳梨顏  
軟紅塵裡抽身早  
虛白窗前拄笏閒  
幾縷短髭詩百首  
一叢方竹屋三閒  
鑿坡忘却雲霄近  
偏慕淮南傷小山

筆硯精良棐几陳  
思從羲獻問前津  
寒衣嫵著宮袍舊  
古綆勤修鄴架新  
開卷不須螢照字  
臨池詎礙墨磨人  
祇緣慣寫黃庭帖  
悟得長生傲洞真

錢唐十里隔江湖白首交情重久要燕市劇談肝膽在  
唐花回憶咏觴遙我慚馬齒徒加長君比松身應後雕  
屈指吳山舊相識靈光一柱自岿然

題汪龍莊灌園小照

菜甲離離閒豆苗伊人未改舊風標一畦不惜常耕手  
五斗何堪再折腰剪韭籬根春雨細挈瓶潭上夕陽遙  
出山早定還山計笑把丹青作久要

日涉緣知趣有餘當年寫照豈迂踈辭榮怕作風塵吏  
退老重修種植書願得藜羹偕婦隱依然瓜圃帶經鋤  
河陽栽滿花千樹不及家園賦述初

題畫贈汪龍莊

數里連峰插白雲天生秀骨九華分名山恐有僧來占  
先取烟霞贈與君

題畫贈丁備三

不賦新詩不論文硯邊筋力爲誰勤只緣未了游仙夢  
又畫天台一段雲

再題汪龍莊夜績課兒圖

寒邨夜課漏遲遲一樣圖傳兩畫師我憫窮嫠言不盡  
白頭重續舊題詩

重題汪龍莊秋鐙校字圖



蓬心妙繪淨無埃一幅遙傳夢渚來稽古何關上官事  
畫圖畢竟爲憐才

寫出當年舊草廬依然松月夜窗虛案頭不校從前蠹  
要檢新雕善本書

題越王廟

鷓鴣啼罷舊宮牆社鼓巫簫樂未央一簞醇醪恩尙在  
六千遺胄拜烝嘗

屹屹飛檐勢入雲回頭石室淚繽紛廿年爭得江湖利  
千里蘋蘩薦霸君

題大風歌後

四方豺虎任縱橫誰抵君王十萬兵只恐韓彭除未盡  
難教平勃作長城

題西施廟

蘇臺歌舞幾經春滅盡夫差國與身聞道江心沈是越  
臥薪人負捧心人

野鳥多供匕箸但或瘠而不肥肥而不潤近有一  
種楊辣鳥其味腴美異常洵屬肴中佳品

脂膏浮動溢盤盂染指山肴味獨腴競爾家雞同潤澤  
笑他凡鳥太清臞紅櫻熟處聲難得烏柏濃時影又無  
只恐秋深婁護見梟羹羞薦入珍廚

七夕

銀河終古隔潺湲會少離多命太慳方悔當初行聘拙  
更將何巧贈人間

西湖襍咏

曙烟散盡綠楊疎旭影微紅照打魚聽到兩堤鶯語闌  
杏花樓閣捲簾初

筆床茶竈欲浮家南浦晨遊到日斜風定三潭波亦靜  
紅蜻蜓立水仙花

飛來嵐嶂自然青刻劃彌陀芥翠屏畢竟山門靈隱好  
十游九坐冷泉亭

藤蕪綠上段家橋得得花驄指路遙山北山南吟已徧  
半畱叢竹半芭蕉

鐘動南屏大法幢酒船人倚夕陽窗行來十里玻璃水  
數遍駕鶩六六雙

絃索初停畫舫聲山亭高處月華迎九枝齊燦銅荷蠟  
重按霓裳炙鳳笙

憶吳淞舊游

昔年曾過泖湖灣夢到烟波跡尙閒高岸倒聽黃葉墮  
虛舟滿載夕陽還半篙秋影鷗前水一髮青痕雁外山  
絕似香光好圖畫遺將粉本在人閒

寄懷廷琬

自違湖岸舊漁磯十載紅塵萬事非迎養已虛毛義檄

承懽終望老萊衣稔知殘喘吾難久不信重逢世竟稀

惆悵灤城昔年事莫教輕續望兒歸

曾祖母胡太宜人病時月山公幕游

灤城盼望不至病革謂家人曰吾作望兒歸已百

首矣月山公歸求遺稿不得因代吟百首以補之

水宿風餐是夙緣老來怕見別離船養魚偏值牛溲淺

飲水難爭鬭腹先詎料百年盈八十何堪萬里剩三千

猗獐又啓蒼鵞爨烽火驚心到枕邊

種花邊徼與誰懽萬水千山一宰官疾病倍思兒定省

零丁彌想室團圓蠶因絲盡形俱憊鳥到鳴哀口亦乾

十寄黔書九沈沒數行莫作等閒看

華門

一灣水繞華門幽堂構相貽七十秋恰對好山新置榻  
每邀明月共登樓醇醪我愧周公瑾款段人稱馬少游  
何處關心偏入夢浣花溪畔灤西頭

守拙

誰云入谷有鳴騶守拙於今雪滿頭霄漢無緣攀鳳翼  
關山徒媿覓蠅頭梁鴻竈冷終能爨晏子裘凋尚耐秋  
天賜老夫娛老處萬竿烟雨一書樓

遣興

白髮休言鼎可扛，壯年豪舉氣全降。  
樽前無句追仙李，床下何人拜老龐。  
夜受月憐遲秉燭，曉防燕罵早開窗。  
小園未減蘭成賦，不買春郊綠四雙。

閒步

中庭閒步漏聲遲，露滴春寒濕鬢絲。  
最愛月高風定處，兩禽同夢一花枝。

歲暮感懷

三餘功候歲餘長，餘到殘冬亦電光。  
世上瓶罍惟我恥，市中屠販爲誰忙。  
連宵明月蒙頭隱，何日梅花撲鼻香。  
雨意未終兼雪意，天公猶欲費商量。

吳牛患喘我偏同况復顏瓢嘆屢空無藥可瘳年老疾  
何人能送歲寒窮浮沈魚素懷天末疑信烽烟怯夢中  
願對香山解詩婢百篇吟過試鐙風

雲夢曾思八九吞暮年蕭瑟那堪論孤蒲洲有新鷗跡  
薜荔門無舊雨痕買酒欲澆姚合塚談經難喚邵雍魂  
故人都與晨星落慚愧靈光一柱存

紅箋不許寫秋蠅始覺今冬老更增幸有園林供筍蕨  
嬾將冠帶見親朋心如蜀棧成灰木身似雲門退院僧  
便使加餐來歲飯已教梁顥笑無能

題股堰王夫人廟



從古西陵近水鄉  
虹堤誰築鞏金湯  
桁楊威重完膚少  
伉儷恩深拔鞘忙  
甘使魚龍吞熱血  
肯教里巷汨寒塘  
閨中一寸淋漓肉  
羞殺錢鏐萬弩強

鑑湖

烟波不改舊風光  
太守賢勞利澤長  
秋水北來生快閣  
菱歌東去過茅洋  
綠蕪岸接眠鷗渚  
紅樹邨穿載酒航  
三十六灣湖一曲  
翻教人愛賀知章

中秋遇雨

嫦娥濕盡舞霓裳  
宵漏清輝到草堂  
我意鬱如雲不散  
天心慳到月俱藏  
青衫商榷悲秋賦  
紅燭消磨聽雨觴

庭桂一叢寒蘸水愛他不減去年香

輓陳母張孺人貞節詩

后山筆妙修文忙風淒林下心悲傷曝書烈日不病暑  
祇綠冰雪爲肝腸想青垂愛尙如女敢荒婦職疎高堂  
茹荼六十有六載手持靈壽扶綱常當年初作孤鸞日  
不入耳言偏滿室嚴詞洵洵勝鞭箠私語喁喁苦啾唧  
塚間連理猶纏綿那有孤鴻復求匹窮嫠大慟欲頽城  
誓死山邱義從一指頭一啣痛莫支淋漓熱血巾衫漉  
羣愚驚走眾喙息且哀且媿相嗟咨指經糜爛日復日  
可憐骨斷危如絲啣痕不沒心不易黃泉人與蒼天知

茫茫墜緒無人繫無後敢忘爲後計婦姑同是未亡人  
剪紙招魂各流涕何由燕翼武何繩子繼傷心望孫繼  
繼孫天授根牢固悔天當年繼誰悞曾孫有道汲古勤  
重檢遺書曝如故乞余歌咏托芳徽耄矣無能有餘慕  
三嘆前賢寫照工王融硯北松筠句

題江樓聞雁圖

露白葭蒼水樹幽廻欄面面月波浮妬他聚語平沙裡  
分占瀟湘一半秋

題邊頤公蘆雁畫幅

嘹唳征鴻聚水滸黃昏語到夜深時分明是怨長征苦

訴與江干老釣師

憐汝勞形嘆遠天  
隨余北去又南旋  
白頭何幸重相遇  
一片蘆花淺水邊

風餐水宿鷺鷥鷗  
鄉萬里關山覓稻梁  
豈是羽毛猶未滿  
如何飛不上衡陽

俞掾庭因令嗣廣文迎養來蕭適舉一孫以誌喜  
有詩見示酬而賀之

鯉庭有慶慰高堂  
燕姁徵蘭九月芳  
繩武要期瓜瓞盛  
含飴休感鬢毛蒼  
重孫天錫麒麟瑞  
湯餅人傳苜蓿香  
英物自應溫嶠賞  
啼聲試聽到宮牆

詩塚

歸路前緣在北邙  
冢雞肋戀奚囊  
一函墨脫魂難返  
千嶂雲深拙可藏  
倘解化螢隨腐草  
豈同韞玉有奇光  
從今永隔風塵面  
免使人閒論短長

索解閒吟老婢能  
別來猶誦竈前鐙  
藏書舊穴雖非偶  
退筆荒筌尙得朋  
語不驚人皆瓦礫  
心緣割愛判淄澠  
山房誰翦招魂紙  
惆悵敲門月下僧

余卜葬處土名蟹箝以山形絕類於蟹也爰戲吟

一絕

天幻山形賺老蟹  
渾疑水族出江皋  
老夫嗜蟹強於畢

生愛持螯死葬螯

聞平定黔苗

捷伐黔陽歲幾遷  
頓消烽燧靖山川  
雲迎紫氣班師詔  
日射紅旗奏凱天  
萬竈貔貅歸禹甸  
兩階干羽接虞絃  
皇威遠破獯獠胆  
不頌臨淮壁壘堅

九日登西山

分明舄底度秋鴻  
吳越江山一覽中  
天限青衫老邱壑  
儒冠那肯落西風

偶吟佳節豈堪論  
休怨催租吏打門  
爲問滿城風雨外  
平生詩有幾多存

字塚爲王涵菴明府作

拾遺不礙道旁金更向蕭齋次第尋千載寒灰難復熱  
一杯黃土豈終沈聊供賢者修文用爲報蒼天雨露心  
祇惜若蘭機錦壤未收零落到而今

病中襍詠

雲門昨歲謁文殊禮拜香臺不用扶誰料一番鷓鴣換  
便同憔悴楚三閭

膝下形單思黯然七千餘里夢纏綿何堪更遠關山路  
夢到蠻雲六詔天

繞榻縹緗半蠹魚丹鉛結習未消除不知藥碗溫涼處

能閱來生幾卷書

毛生捧檄爲誰歡  
迎養無由告養難  
寄語人間熱中者  
白頭親在莫爲官

何段汀作秋懷詩索和并屬題愛女遺照爰和秋懷六首卽題其照而歸之

蕭蕭蘆荻渚蒼涼  
腸斷芹沂舊草堂  
繡閣偏無長命縷  
瑤臺誰覓返魂香  
吟餘蓮葉詩千首  
刺剩天孫錦七襄  
擡眼看人兒女大  
不須彈泪已神傷

纔停藥臼欲忘憂  
長夏消魂鬼復謀  
百兩有期迎洛珮  
三星無影照秦樓  
曾聞蝴蝶都成夢  
幾見芙蓉肯耐秋



我識飛瓊天暫謫人閒不許久句留

曇花一現竟何之蕭寺徘徊痛定時雁語蛩吟鐙似米  
茶烟禪榻鬢如絲何曾善飲難辭酒翻爲多愁易賦詩  
嬌女幾時恩可報再來應有佛先知

悲秋強半在窮途骨月關情歎息殊坦化始知烟是玉  
飭勞錯認淚爲珠淒清河漢雲衣淡搖落江潭柳影孤  
膝下從今休悵惘安排湯餅看懸弧

芳華何事忽凋殘日瘦霜天板御寒未答春暉增抱憾  
須烹孝笋勉加餐高堂難止含飴痛強仕休遲捧檄歡  
收拾蘭房鍼線迹莫教畱與白頭看

我亦中年弱息摧秋燈遺照有餘哀余女喜誦唐詩頗知吟咏年十五而  
亡遺有秋燈夜讀圖小影忽驚刊石金鸞逝重感吟魂道韞來人羨  
門楣應愛女天輕離別豈憐才那堪共聽梧桐雨滴盡  
心頭一寸灰

寄懷暉堂弟

迢迢南詔指行旌又隔黔陽幾日程兩世知心期許密  
十年回首別離輕輸誠肝胆同艱阻倚重關山獨老成  
賤短此情言不盡再馳宵夢話平生

壽汪龍庄七十

大羅天上列仙曹幕府英雄舊捉刀入世每逢青眼客

循陔都是白眉豪豈忘某水童游樂又買芳鄰市隱高  
檢點牙籤勤校勘墨磨人尚未知勞

荆楚歸帆秋復春尊鱸滋味後彫身他年作史推循吏  
今日占星見老人妙豎談鋒清到晉嚴行觴政虐於秦  
一庭送臘梅花月照澈霜華兩鬢新

題鄭竹香明府再劫餘生詩卷

忠孝天憐泰運開方知憂患是栽培頭從刀劍交鋒剩  
魂自膏肓見豎回習坎幸逢離坎日後彫原勝易彫材  
愧無一管生花筆爲賦昆池兩度灰

壽圃棠三姪六十

試啼回憶草堂前  
孤影猶疑壁上懸  
隨雁風霜雲夢驛  
攜家鐙火洞庭船  
每因思子憐猶子  
更望延年勝我年  
千里共傾除夜酒  
杖鄉人醉楚南天

寄懷廷琬

魚鴻屢滯悵黔陽  
六詔蠻雲更渺茫  
誰料生離成死別  
有方游痛勝無方

過雲門觀宋高宗御書傳忠廣孝之寺石刻

入谷旌旗萬乘隨  
諸天齊下白雲窺  
祗憐五國淒涼月  
偏照思陵六字碑

簡晴皋姪

英妙家駒選中原攬轡行河聲秦隴下嶽色薊雲迎篇  
什常師牡丹青宵讓荆詩牋同畫紙齊貴洛陽城  
憶昔同幽興湘湖屢避囂春山紅雨屐秋水白蘋橈老  
病殊難恃登臨已畏招聯吟猶未倦彌惜仲容遙

壽衛儀四姪六十

盛年捧檄到瀟湘星燦長庚照印床佐治雷封詠已久  
勞形戎馬鬢俱蒼同胞兄弟三週甲聚首關山一舉觴  
我待家園竹林下相期遷擢早還鄉

留別親友詩八首并序

齒當耄耋病入膏肓可歎百年僅有一息去而

莫返恍如汴水東流誰復相逢更甚陽關西出  
湖聯吟其難再沈李浮瓜恣抔土今易荒陳根  
宿草枕邊索句預酬挂劔之情葑罷成章聊慰  
邇墟之感緣風襲而蠟盡敢怨我生不辰惟節  
促而絃哀須識其言也善

時年八十有六

湯君湘畦宗君芥颿王君景園鄭君觀占蔡君養  
堂王君穀塍丁君昂若暨令弟飛霞倪君鳳于丁  
君蒼洪蔡君廷森丁君履登張君南厓

漫道長生事可聞秦皇漢武枉辛勤何曾折柳腸先斷  
那用歌驪手自分縞紵得瑜兼得亮琴書交紀復交尋

泉臺倘有枌榆社不敢邀君且待君

任君紫峯潘君石舟沈君南汀翁君鳳西徐君古  
梅何君葭汀

行旌離緒徧山川今日銷魂倍黯然會向里門推績學  
況教兒輩附同年紙窗梅雨論文燭春水桃花載酒船  
了卻老夫生寄事曰歸聊占一鞭先

梁君山舟

老於世味淡如僧白首難臻最上乘鋤破青山埋病骨  
滴乾老淚別心朋懸知霜鬢存何戀欲見閻羅諂未能  
便隔幽明通有夢草橋煙水接西興

陳君麗湖

萬里龍沙十二年玉門生入豈徒然吟髭冰斷長城外  
襖被春融代馬前舊雨正思觴咏日斜暉又照別離天  
輪迴不到西方去重放溪頭雪下船

俞君揆庭暨賢嗣漱園諸葛君筠堂

扶藤幾過訊寒溫每遇奇文共細論城僭芙蓉辭故里  
盤餘苜蓿侑清樽感君大振蘇湖教招我孤征笠屐魂  
一盞漆鐙明滅處若耶溪畔古雲門

陸君自堂汪君龍莊陸君潤亭胡君海嶼金君少  
愚湘帆兩昆仲來君北泉晴齋大小阮魯君開萬



蔡君安周孫君儀廷

戚繫葭莩易感傷子規催喚別離忙難忘大隱朝兼市  
彌念懿親却與王一領青衫慈母線半生荒驛板橋霜  
幾何人壽能攜手忍把殘山換草堂

姚緇林吳芳汀二甥

廣文官冷兩鳴騶別我吳山歲四周釣影愛同花影賞  
人名呼作地名畱倚閭有母休言老負郭無田莫問秋  
珍重才華成宅相不須彈泪過西州

汪元可何邱亭魯煥如陸燮先胡叔虞五孫壻  
英華磊落出羣初密邇潘楊跡未踈雅善文章終報

國生憐離別轉愁予六屏射雀才俱選百兩迎門事半  
虛相贈一言分手去各人多讀幾行書

泊鷗山房集卷三十五

會稽 陶元藻 鳧亭

詞一

滿庭芳

泛西溪至張園觀梅

大庾雲高羅浮路遠瀾橋詩思無端西溪何處花氣滿  
林巒傳是尙書別墅千萬樹一色冰紈沙鷗導數聲柔  
櫓搖過法華山望樓臺高下瓊英點點仙骨珊珊有  
銀箏象板響度枝閒何羨橫斜疎影寒瘦照清淺漁灣  
髣髴似吳門元墓香雪海中還

憶王孫

楞里夜泊

煙光淡與水沈浮轉入蘆灣境便幽白酒黃雞飯舵樓  
晚風秋月照鸕鷀夢裡舟

沁園春

題烏江項羽廟

古屋陰森靈其在耶孰奠杯羹惜如許王孫聽歸劉季  
可憐亞父趣死彭城不識英雄自戕羽翼枉授重瞳炯  
炯明鴻門會本屠龍甚易脫兔何輕淒涼帳下歌聲  
祇相對虞兮泪共傾念壁上觀來旌旗猶赫江東歸去

面目誰憎可代秦皇偏輪亭長終古寒濤恨不平楚天  
外剩一聲雁叫幾點雲橫

生查子

泛鑑湖

平湖八百開面面青山聚山影落清流流下三江去  
黃冠人已遙一曲亭何處行盡柳絲鄉只有黃鸝語

雨淋鈴

過表忠觀謁錢武肅王像

英雄去矣旒冕飛揚靈旗閃斗憶昔凌夷唐室在十國  
割河山據守天錫忠良裘馬問是誰消受神武處強弩

三千滾滾江湖向東走  
安排玉尊金樽酒唱還鄉  
落歌風後雲煙過眼何疾  
剩鐵券土花纏繡十四州  
城只換得祠前幾樹衰柳  
猶記憶陌上花開緩緩歸  
時否  
薄倖

同周青厓夏更生王杜洲白郡城放舟歸蕭

范蠡城外乍打起烏篷  
雙槳檢點酒甕茶甌吟  
視話對良儔三兩正柳  
暗花明滿川鴨綠春波  
漲况平遠青山面隨舵  
轉都是倪黃畫嶂行漸  
近柯橋路有古寺寒鐘  
送響最愛是瓜架槿籬  
幽處曬漁罾夕陽駘宕  
水田開初斷秧鉞綠影  
紅帘又見前邨颺倚徧  
船窗好箇山

陰道上

望江南

偶興

支頤坐簾捲暮天時微雨落花鶯去早夕陽深巷燕歸遲  
春盡也誰知

蘇幙遮

蓴菜

碧芽含青瓣小根植湘湖慣帶萍牽藻生滑凝寒誰製巧  
不待秋風千里羹偏好凍痕深清氣繞莖葉分明卻被玻璃罩  
晶梳盛來光倍皎含咀精華絕勝鱸魚膾

八聲甘州

簡周西序徵君

掩重帷深避北風涼獨坐惜三餘問醇醪公瑾綸巾談  
笑吟興何如此內酸鹹滋味要與俗人殊勿感傷卞璞  
輕逐齊竽擬來朝雪霽過梅花書屋炙硯圍爐步尖  
叉險韻看那勝誰輸猶憶君黃河北上鵲山旅館句清  
癯最好是馬馱殘夢水冷沈魚

華清引

過蔡德思墓

餘干江上旅魂哀翦紙招來人琴安在腸斷懸崖馬鬣



堆、論文畢竟惜君才墓門幾度徘徊滿山紅躑躅一  
樹白楊梅

虞美人影

雨

雨來便是愁來到快把芭蕉刪了省得夜闌人悄滴滴  
將心搗花枝解恨花都惱紅褪香銷多少偏是滿庭  
芳草染得青青好

南鄉子

雪

薄暮峭寒生雪大如鴉舞滿楹卻愛酒闌人散靜堪聽

屋後窗前折竹聲  
衾冷夢難成  
白戰推敲字  
屢更何處  
梅花香到鼻  
平明自啓柴扉策蹇行

金明池

月

霄漢陰精凝成皓魄  
朗映重昏至旦  
有恁銀蟾兼玉兔  
桂樹吳剛手  
剗想青天一氣浮空  
怎構造雲外廣寒宮  
殿笑天寶元宗何處  
宵巡錯認霓裳親見  
炯炯寒光  
虧復滿羨佳麗揚州二分獨擅  
花影畔舞榭歌臺願夜  
夜開樽歡讌奈人閒  
離恨偏多  
茆舍雞聲關山影遠  
更西舫東船潯陽渡口  
照斷琵琶聲怨

長相思

游雁宕山

氣摩空影摩空兩道龍湫百五峯巒岼一徑通  
遠玲瓏近玲瓏十八名藍斷續鐘雲深僧未逢

玉蝴蝶

晚過 聖因寺訪大恆上人適厲樊榭施竹田  
金壽門並至泛舟而歸

夕照紅窗梵殿珠旛開處龍象森如朋舊無端相值同  
禮文殊愛僧吟氣無蔬筍憐士隱跡在菰蘆對團蒲茶  
烟裊罷竹木清虛 歸歟遠公送我寺樓鐘動月上花

鬚指點遙邨兩三星火接平蕪半天中  
寥寥雁語雙槩外拍拍飛鳧夜分初  
湖山如睡雲水模糊

秋波媚

蠡城樓懷古

清淺蓬萊幾廢興粉堞那堪凭圍棋誰賭  
流觴誰飲雪舫誰乘秦碑禹穴模糊久  
惟石亂雲層傷心尤甚越王宮殿南宋諸陵

滴滴金

題曹孝娥廟

風吹少女雙鬟魄抱父屍波心出千載龍舟渡頭集爲

弔沈淵日 淳碑只有邕能識五百年蛟宮匿水際魂  
歸夜悽惻江月茫茫白

望仙門

湖上

珠纓金絡紫驂驪踏春游湖山風月美杭州易勾留  
行過白沙堤畔如茵芳草初抽綠楊影裡小紅樓蘇小  
正梳頭

浣溪沙

暮春郊行

步屐城西野老家不聞鶯語但聞蛙可憐無計挽春華

堤外草長堪睡鴨磯頭樹密正藏鴉一竿飛絮半犁  
花

陳影

簡方樸山先生

望洋鄴架曾焚膏一室窺園無暇低首先生笥腹便便  
口似銀河高瀉襄陽耆舊人多少嘆宿草陳根滿野幸  
巋然獨峙靈光領袖東南風雅彈指七年離別悵落  
落天涯栖栖轅下撞破絃桐一十六椽依舊塵封荒榭  
捉刀誰識英雄者恐四十無聞休也枉矜憐汗漫中黃  
千佛名經難捨

先生嘗贈余詩云中黃力巨象未試汗漫技成龍可屠一第淵子須時耳千佛

名經其  
拾詩

卜算子

西溪夜歸

雙帶蠶暗屏一水涵金鏡  
得得花驄趁月行細踏新紅  
影墜露洗衫青飛霧衝眉冷  
隱隱前邨賣酒家草閣懸鐙等

西江月

題驛亭

築起一天別屋逗殘千古離蹤  
闌干幾曲染殷紅縱是  
淚痕堆擁寶鞦馬嘶斷續玉船酒色因重兩行衰柳

月朦朧長入畫樓人夢

杏花天

游醉翁亭

瑯琊蔚秀煙霞藪醉翁亭付誰消受空山蕭寺寒鐘吼  
尚有智仙僧否壓帽屋懸崖雲紐繞屐齒細泉雪走  
我來把盞松風後意亦何曾在酒

酷相思

秋夜泊采石磯

風洗雲衣千萬里看涼兔磯頭起照浦澈空明無點滓  
江月也秋來美江水也秋來美太白樓邊舟獨艤正



拆響更聞矣喜燭跋猶遲杯泛蠟人語也蘆花裏雁語也蘆花裏

揚州慢

佛手柑

細膩風光玲瓏標格黃金色相依然問化身何日合掌  
到林端憶昔日拈花臺上迷途指點悟徹諸天猶帶旃  
檀馥郁有爭橘柚酸甜 垂垂風月笑一時腕脫難懸  
看舒卷因心屈伸如意都有前緣且拂官哥盤翠摩挲  
罷供養窗前恐縫裳少婦幾回如殺摻摻

女冠子第五體

湘湖看紅葉

湖邊平眺那楓林  
岸岸紅繞繁華天  
付與把橙黃橘綠  
蘆白葭蒼一齊傾  
倒炫秋光綠底事  
偏使人感紫懷抱  
題詩溝上送客江  
頭銷魂多少似邨  
民野火連雲燒  
又疑是赤城霞起  
蒸山曉豔欲驚人  
濃還照水羞殺瘦  
寒郊島囑西風爲  
我愛惜枝頭莫教  
輕攬爲問樊川尙  
在否此地停車甚  
好

南歌子

春日邨居

柳陌鶯聲老  
茅堂燕影雛  
東皋亞旅把犁初  
正值如膏

春雨膩平蕪 陽羨網將賜 蘭陵顰已沾 長腰適口軟  
於酥只待一江新水上 鱖魚

杏花天

江上秋感

問黃花幾分消息已開徧 水邨山驛長空洗盡微雲迹  
絕艷天青欲滴 悵鐵鹿常隨孤客 夢故國何時歸得  
雁行忽被風衝急 碎墮秋聲難拾

綺羅香

題金山寺

石插波心樓臺翳翠鰲 背座安獅子那許征帆帶得紅

塵到此孤塔頂雕鶚高盤幽巖下鼃鼃熟睡參禪罷一  
縷茶煙佛前細品中冷水如薺煙林兩岸看瓜州京  
口船占風利捲雪驚濤終古中流作砥妙聲鳥喚我晨  
興無盡鐙照人夜寐問印公何日重來願與一談名理  
漁父家風

遊顯聖寺

維摩香閣近諸天應有大乘禪短篷載得斜陽影划到  
寺門前梵夾蠹石幢偏佛鐙懸揀他作屋幽處坐消  
一縷茶煙

南鄉子

觀釣

何事鳴榔不用臨淵結網忙  
楊柳溪橋新漲後竿在手  
一釣鱸魚四十九

雨中花

送戴玉洲之金陵

垂楊在綠河橋路  
憊長條挽舟不住  
六幅蒲帆半囊襍  
被已在雁聲低處  
雙魚倘尾行人去  
休忘卻西陵雲  
樹離夢迢迢情懷脈脈  
一片秣陵煙雨

疎影

遊靈巖寺

空王紺殿挂珠旛靜護白雲青靄絕異吳閭短簿祠前  
酒火歌絃一派捧心人去粧樓圯剩翠巘至今如黛步  
長廊響屐無聲化作諸天梵唄閒向山門竚立任松  
風吹我襟袖瀟灑震澤茫茫萬頃煙波如雪光搖銀海  
一灣幽處全無暑問消夏有何人再看遙天幾點昏鴉  
飛過莫釐峯外

水龍吟

句容道中

來朝便近金陵江南佳麗雄今古此閒底事旗亭風景  
荒同齊魯吾族華陽世傳真誥燒丹何處望三茅縹緲

神仙窟宅都被白雲遮住  
飛墮陽烏太遽倏聲靜關  
廂人語野店數椽瓦鐙一  
盞獨眠淒楚鄉夢初回西陵  
江上寒雞催曙挂前林淡  
月疎星又照我藍輿去